

Landesbibliothek Oldenburg

Digitalisierung von Drucken

Anthropologia Anatomico-Physica

Baumer, Johann Wilhelm

Francofurti, 1784

VD18 11680695

Cap. XXXII. De nervis accessorio ac phrenico.

urn:nbn:de:gbv:45:1-16622

§. VII.

Par septimum & octavum.

¶ Par septimum, inter sextam septimamque colli vertebrae, atque par octavum sub vertebra septima foras exeuntia consimiles cum nervis vicinis connexiones habent, ac ramulis nervosis partes adiacentes donant. Generatim adhuc sciendum est, inferiora quatuor nervorum cervicalium paria superioribus maiora esse, ultimaque tria eorum paria cum primo dorsuali ansæ speciem formare, quam arteria axillaris transit.

CAP. XXXII.

De nervis accessorio ac phrenico.

§. I.

Par accessorium.

¶ Par accessorium Willisii non ab aliis colli nervis, sed, inter postica illorum filamenta, pluribus radiculis ex ipsa medulla spinali modo altius, modo profundius, non tamen infra sextum cervicalium par, ortum sumit, atque, in ascensu suo ramorum cervicalium posteriorum filis auctum, per magnum ossis occipitis foramen cranium intrat, ibique filamentis, ex medulla oblongata provenientiibus, donatum cum pari vago, acceptis etiam ab hoc filamentis quibusdam, in eodem duræ, at diverso piæ meningis involucrio, e cranio iterum egreditur, atque a pari vago iterum recedens, ramulis cum intercostalibus ac lingualibus communicatis, ad mûsculos sterno-mastoi-

deos, trapezios, rhomboidales, angulares scapulæ, complexos, occipitales, colli glandulas, atque integumenta pergit. Inter medullam spinalem ac par vagum hoc nervorum par consensum efficere videtur. Vid. *Frid. Ruyschii* epist. anat. XII. p. XXVI. *Alb. de Haller* icon. anat. fasc. I. tab. II. fig. II. *Dn. Jo. Frid. Lobsteinii* diff. de nervo spinali ad par vagum accessorio, Argent. MDCCLX.

§. II.

A tertio, quarto & quinto cervicalium *Par phrenicæ* paribus nervi phrenici, vel diaphragmatici, *nicum.* natales suos ducentes in collo atque thorace descendunt, atque sub ipso in hunc, inter claviculam & arteriam subclaviam, introitu, primi paris dorsualis ramulo aucti, atque cum intercostali magno connexionem admittentes, in sinistro latere longior pericardio adhæret, in dextro autem brevior venam cavam sequitur, cum illa ramulorum ope connectitur, ac superiori diaphragmatis superficiei sese immittunt, illudque ramulis suis donant. Vid. *B. Eustachii* tab. anat. XVIII. & *Ephr. Krügeri* diff. de nervo phrenico, Lips. MDCCLVIII.

CAP. XXXIII.

De nervis brachialibus.

§. I.

A tertii cervicalium & primi dorsualium *Nervi* paris ramulo, ac quatuor inferiorum *brachiales.* cervicalium truncis, nervi brachiales ori-